

28 января 2026.

Прпп. Павел Фивейский и Иоанн Кущник

Вечерня (приходская)

Стихиры на «Господи, воззвах»

Канонарх: Глас 1, Господи, воззвах к Тебѣ, услыши мя.

Лик: Господи, воззвах к Тебѣ, услыши мя./ Услыши мя, Господи./ Господи, воззвах к Тебѣ, услыши мя:/ вонми гла-су молѣния моего,/ внигда воззвати ми к Тебѣ.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ жертва вечерняя. // Услыши мя, Господи.

прп. Павла Фивейскаго на 3

На 6, стих: Аще беззакония назириши, Господи, Господи, кто постоит? / Яко у Тебѣ очищение есть.

Начало добродетельных явился еси Небоходных яве стези,/ треблаженне Павле, жительства мируи./ Ибо восхождения духовная положил еси добре в души твоей,/ имиже краю прикоснулся еси добродетелей// воздержанием и болезнями многими.

Стих: Имене ради Твоего потерпех Тя, Господи, потерпе душа моя в слово Твое, /

упова душа моя на Господа.

К Божественному желанію, блаженне, вперив ум,/ возшел
еси к Горним пустыни,/ якоже во мрак, приближился еси,
в немже Божиим просветился еси разумом светло/ и на
скрижали души твоея// добродетелей помазался еси
светлостію.

На 4, стих: От стражи утренния до нощи, от стражи утренния, /
да уповает Израиль на Господа.

Процвете пустыня цветы добродетелей твоих красная,
страстей бо погубил еси терния в ней,/ насадил еси болезни
благодатныя/ Божественных твоих деяний./ Темже,
яко крин, от Бога// ныне благоухание жития твоего благо-
ухаеши нам.

прп. Иоанна Кущника на 3

Глас 2. Стих: Яко у Господа милость, и многое у Него избавление, /
и Той избавит Израиля от всех беззаконий его.

Егда мановением Божественным/ мирския красоты, раду-
ясь, отче, избегл еси,/ тогда предпочел еси паче простран-
наго пути/ тесный, и болезненный, и zelo жестокий./ Тем-
же попечение душ приял еси,/ в Божественный одеявся
образ// отбегением и наготою всех сладостей, Богоблажен-
не.

На 2, стих: Хвалите Господа вси языцы, /
похвалите Его вси людие.

Странную поразумел еси жизнь,/ странно начинание,/ лю-
бовию Христовою уязвлен,/ Егоже неизреченную нищету
возлюбил еси,/ и пред враты твоих родителей,/ бездомен,

отче, претерпел еси, / утесняемый и оскорбляемый. / Темже дарований исполнился еси // и неотъемлемое богатство, еже на Небесех, наследовал еси.

Стих: Яко утвердися милость Его на нас, / и истина Господня пребывает во век.

Нося в руках священное, отче, Евангелие, / сего исполнитель был еси, / имения родителей отвергся, Иоанне, / и слезами и теснотою все совершил еси твоё житие, преподобне, / темже утешения Божественного, и непрестанного веселия // ныне наслаждаешься, преблаженне.

Слава, глас 1:

Слава Отцу, и Сыну, и Святому Духу.

Отвергся мира и сущих в мире, преподобне, / Евангелие взем, евангельски Христу последовал еси / и, в куще живый, яко в рай, тайно, / конечным жестокожизтием плоти / человекоубийцу змия удавил еси. / Темже на Небесех водворяясь, Иоанне блаженне, // испроси нам велию милость.

И ныне, глас 2:

и ныне, и присно, и во веки веков. Аминь.

Егда нескверная Агница / виде Своего Агнца, / на заклание яко Человека волею влекома, / плачущи, глаголаше: / безчадствовати Мя ныне тщишися, Христе, рождшую Тя. / Что сие сотворил еси, Избавителю всяческих? / Обаче воспеваяю и славлю // Твою, юже паче ума и слова, крайнюю благодать, Человеколюбче.

Стихиры на стиховне

Октоих, глас 8, среда

Канонарх: Глас 8, Вознесыйся на Крест, Христе Боже

Вознесыйся на Крест, Христе Боже, / и спасл еси человецкий род:// славим страдания Твоя.

Стих: К Тебе возведох очи мой живущему на небеси, се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему. /

Лик: дондеже ущедрит ны.

Пригвоздился еси на Кресте, Христе Боже, / и отверзл еси райския двери:// славим Божество Твое.

Стих: Помилуй нас, Господи, помилуй нас, яко по многу исполнимся уничижения: наипаче наполнися душа наша поношения гобзующих. /

Лик: и уничижения гордых.

Мученицы Твоя, Господи, / забыша житейская, небрегше о мучениих, / будущия ради жизни, тоя наследницы явися: / темже и со ангелы радуются.// Тех молитвами даруй людем Твоим велию милость.

Слава, глас 6:

Слава Отцу, и Сыну, и Святому Духу.

Преподобне отче, / во всю землю изыде вещание исправлений твоих, / тем на Небесех обрел еси мзду трудов твоих: / демонския погубил еси полки / и Ангельския достигл еси чины, / ихже житию непорочно поревновал еси. / Дерзновение имея ко Христу Богу, // мир испроси душам нашим.

И ныне, глас 6:

и ныне, и прѣсно, и во вѣки векѡв. Амѣнь.

Видящи Тя распинаема, Христѣ,/ Тебѣ Рѡждшая вопіяше:/
что странное, еже видю, таинство,/ Сыне Мой?/ Како на
Дрѣве умираеши, плѡтию повѣшен, // жѣзни Подателю?

Тропари

Тропарь прп. Пávла Фивѣйскаго и прп. Иоáнна Кúщника, глас 4.

Бѡже отецъ наших,/ творяй прѣсно с нами по Твоей крѡто-
сти,/ не отстави мѣлость Твою от нас,/ но молѣтвами их // в
мѣре управи живѡт наш.

Слáва Отцú и Сыну и Святому Дúху, и ныне и прѣсно и во
вѣки векѡв. Амѣнь.

Крестобогородичен, глас 4: Дѣво Пренепорѡчная, Мати
Христá Бѡга, / оружие прѡйде Твою пресвятúю дúшу, / егда
распинаема видела еси волею Сына и Бѡга Твоего, /
Егоже, Благословѣнная, молящи не престай // прощѣние
прегрешѣний нам даровати.